

四庫全書

集部

欽定四庫全書

集部

花草粹編卷三

詳校官編修_臣周瓊

侍讀_臣孫球覆勘

總校官檢討_臣何思鈞

校對官典簿_臣劉景岳

謄錄監生_臣梁垣

欽定四庫全書

花草粹編卷三

明 陳耀文 輯

小令

中興樂

毛文錫

萱蔻花繁烟艷深
丁香軟結同心翠
鬟女相與共淘金
紅蕉葉裏猩猩語
鴛鴦浦鏡中鸞
舞絲雨隔荔枝陰

牛希濟

池塘暖碧浸晴暉
濛濛柳絮輕飛
紅藥凋來醉夢還稀
春雲空有鴈歸珠簾垂
東風寂寞恨郎拋擲淚濕羅衣

酒泉子

溫庭筠

羅帶惹香猶繫別時紅豆
淚痕新金縷舊斷離腸
一雙嬌燕語雕梁
還是去年時節
綠陰濃芳草歇
柳花狂

韋莊

月落星沉樓上美人春睡
綠雲傾金枕膩畫屏深
子

規啼破相思夢曙色東方纔動柳煙輕花露重思難任

顧璣

楊柳舞風輕惹春煙殘雨杏花愁鶯正語畫樓東錦
屏寂寞思無窮還是不知消息鏡塵生珠淚滴損儀容

馮延巳

楚女不歸樓枕小河春水月孤明風又起杏花稀玉
釵斜挿髻雲垂裙上縷金雙鳳一行書千里夢鴈南飛

溫庭筠

花映柳條閒向綠萍池上凭欄干窺細浪雨瀟瀟近
來音信兩疎索洞房空寂寞掩銀屏垂翠箔度春宵

顧曼

羅帶縷金蘭麝煙凝魂斷畫屏歌雲鬢亂恨難任幾
迴垂淚滴鴛衾薄情何處去月臨窓花滿樹信沉沉

馮延巳

庭下花飛月照粧樓春事晚珠簾風蘭燭燼怨空閨
迢迢何處寄相思玉筍零零腸斷屏幃深更漏永夢魂

迷

二

芳草長川柳映危橋橋下路歸鴻飛行人去碧山邊
風微烟淡雨蕭然隔岸馬嘶何處九迴腸雙臉淚夕陽
天

三

春色融融飛燕乍來鶯未語小桃寒垂柳晚玉樓空
天長烟遠恨重重消息燕鴻歸去枕前燈窗外月閉朱

籠

四

深院空幃廊下風簾驚宿燕香印灰蘭燭地覺來時
月明人自擣寒衣剛愛無端惆悵堦前行闌畔立欲鷄
啼

顧曼

黛薄紅深約掠綠鬟雲膩小鴛鴦金翡翠稱人心錦
鱗無處傳幽意海燕蘭堂春又去隔年書千點淚恨難

任

李詢

秋月嬋娟皎潔碧紗窗外照花穿竹冷沉沉印池心
凝露滴砌蛩吟驚覺謝娘殘夢夜深斜傍枕前來影徘徊

張泌

春雨打窓驚夢覺來天氣曉畫堂深紅焰小背蘭缸
酒香噴鼻懶開缸惆悵更無人共醉舊巢中新燕子語

雙雙

李詢

雨漬花零紅散香凋池兩岸別情遙春歌斷掩銀屏
孤帆早晚離三楚閒理鈿箏愁幾許曲中情絃上語不
堪聽

顧曼

黛怨紅羞掩映畫堂春欲暮殘花微雨隔青樓思悠悠
芳菲時節看將度寂寞無人還獸語畫羅濡香粉污

不勝愁

毛文錫

綠樹春深燕語鶯啼聲
斷續蕙風飄蕩入芳叢
惹殘紅
柳絲無力裊烟空
金盞不辭須滿酌
海棠花下思朦朧
醉香風

晏同叔

春色初來遍折紅芳
千萬樹流鶯粉蝶鬬翻飛
戀香枝
勸君莫惜縷金衣
把酒看花須強飲
明朝後日漸離

披惜芳時

沙塞子

朱希真

萬里漂零南越山引汨酒催愁不見鳳樓龍闕又經秋
九日江亭閒望蠻樹瘴煙浮腸斷紅蕉花晚水西流

二

前調太
悲再作

蠻逕尋春春早千點雪已飛梅席地插花傳酒日西催
莫作楚囚相泣傾銀漢洗瑤池還盡人間桃李拂衣

歸

落梅風

宮烟如水濕芳晨
梅似雪相親
數枝春惹香塵
壽陽嬌面偏憐惜
粧成一面花新
鏡中重把玉纖勻
酒初醺

醉垂鞭

錢塘送祖擇之

張子野

酒面灩金魚
吳娃唱吳潮
上玉殿白麻書
待君歸後除
勾留風月好
平湖曉翠峯
孤此景出關無
西州空畫

圖

二

雙蝶繡羅裙東池宴初相見朱粉不深勻閒花淡淡春
細看諸處好人人道柳腰身昨日亂山昏來時衣上
雲

雪花飛

黃魯直

攜手青雲路穩天聲迤邐傳呼袍笏恩章乍賜春滿皇
都何處難忘酒瓊花照玉壺歸嫋絲梢競醉雪舞郊
衢

春光好

碧鷄漫志云近世
或易名愁倚欄

和凝

紗窓煖畫屏閒。嬾雲鬟睡起，四肢無力半春間。玉指
剪裁羅勝金盤點，綴酥山窺宋深心無限事。小眉彎。

二

蘋葉軟杏花明。畫船輕雙浴鴛鴦出，綠汀棹歌聲。春
水無風無浪，春天半雨半晴。紅粉相隨南浦晚，幾含情。

曾純甫

心下事不思量，自難忘。花底夢迴春漠漠，恨偏長。閒
日多少韶光，雕闌靜芳草池塘。風急落紅留不住，又斜

陽

愁倚欄

冰肌玉骨精神不風塵昨夜窓前都折盡忽疑君
清淚拂拂沾巾誰相念折贈芳春羌管休吹別塞曲有人
聽

三榮道上

程正伯

山無數雨蕭蕭路迢迢不似芙蓉城下去柳如腰
夢隨春絮飄飄知他在第幾朱橋說與杜鵑休喚覺怕魂

銷

二

春猶淺柳初芽杏初花楊柳杏花交影處有人家
玉
窗明暖烘霞小屏上水遠山斜昨夜酒多春睡重莫驚
他

倚闌令

蒲江

惜春心步花陰怕春深風颺游絲吹落絮滿園林
日
長簾幙沉沉朱闌畔斜暉嬾簪笑折梨花閒照水貼眉

心

浣溪沙

張曙

枕障薰爐隔綉幃二年終日兩相思
好風明月始應知
天上人間何處去
舊歡新夢覺來時
黃昏微雨畫簾

垂

北夢瑣言云張禕侍郎喪愛妾悼念不已其猶子曙作此詞禕見之痛曰必阿仄所作

韓偓
香奩集

攏鬢新收玉步搖
背燈初解繡裙腰
枕寒衾煖異香焦

深院不關春寂寂落花和雨夜迢迢恨情殘醉却無
寥

二

宿醉離愁慢髻鬟六銖衣薄惹輕寒慵紅悶翠掩青鸞
羅襪況蕪金茁茁雪肌仍是玉琅玕骨香腰細更沉
檀

韋莊

夜夜相思更漏殘傷心明月凭欄干想君思我錦衾寒

咫尺畫堂深似海憶來唯把舊書看幾時攜手入長安

張泌

馬上凝情憶舊遊照花淹竹小溪流鈿箏羅幕玉搔頭
早是出門長帶月可堪分袂又經秋晚風斜日不勝愁

二

獨立寒堦望月華露濃香泛小庭花繡屏愁背一燈斜

雲雨自從分散後人間無路到仙家但憑魂夢訪天涯

歐陽炯

天碧羅衣拂地垂美人初著更相宜好風如舞透香肌
獨坐含嚔吹鳳竹園中緩步折花枝有情無力泥人
時

二

相見休言有淚珠酒闌重得叙歡娛鳳屏鴛枕宿金鋪

蘭麝細香聞喘息綺羅纖縷見肌膚此時還恨薄情
無

顧曼

紅藕香寒翠渚平月籠虛閣夜蛩清塞鴻驚夢兩牽情
寶帳玉爐殘麝冷羅衣金縷暗塵生小窓孤燭淚縱
橫

二

惆悵經年別謝娘月窓花院好風光此時相望最情傷

青鳥不來傳錦字
瑤姬何處鎖蘭房
忍教魂夢兩茫茫

三

庭菊飄黃玉露濃
冷莎隈砌隱鳴蛩
何期良夜得相逢
背帳風搖紅燭滴
惹香暖夢繡衾重
覺來枕上怯晨鐘

四

鴈響遙天玉漏清
小紗窗外月朧明
翠幃金鴨炷香平

何處不歸音信斷良宵空使夢魂驚
簾涼枕冷不勝情

五

露白蟾明又到秋佳期幽會兩悠悠
夢牽情役幾時休
記得那人微斂黛無言斜倚小書樓
暗思前事不勝愁

孫光憲

覽鏡無言淚欲流
凝情半日懶梳頭
一庭疎雨濕春愁

楊柳祇知傷怨別
杏花應信損嬌羞
淚沾魂斷軫離憂

二

蘭沐初休曲檻前
暖風遲日洗頭天
濕雲新斂未梳蟬
翠袂半將遮粉臆
寶釵長欲墜香肩
此時模樣不禁憐

三

輕打銀箏墜燕泥
斷絲高罨畫樓西
花冠閒上午牆啼

粉籜半開新竹迳紅苞盡落舊桃蹊不堪終日閉深閨

閨選

寂寞流蘇冷繡茵倚屏山枕惹香塵小庭花露泣濃春
劉阮信非仙洞客嫦娥終是月中人此生無路訪東

鄰

毛熙震

花榭香紅煙景迷滿庭芳草綠萋萋金鋪閒掩繡簾低

紫燕一雙嬌語碎翠屏十二晚峰齊夢魂銷散醉空
闌

薛昭蘊

握手河橋柳似金蜂鬚輕惹百花心蕙風蘭思寄清琴
意滿便同春水滿情深還似酒盃深楚烟湘月兩沉
沉

二

傾國傾城恨有餘幾多紅淚泣姑蘇倚風凝睇雪肌膚

吳主山河空落日越王宮殿半平蕪
藕花菱蔓滿重湖

李珣

訪舊傷離欲斷魂無因重見玉樓人
六街微雨鏤香塵
早為不逢巫峽夜那堪虛度錦江春
遇花傾酒莫辭頻

二

紅藕花香到檻頻
可堪閒憶似花人
舊歡如夢絕音塵

翠疊畫屏山隱隱冷鋪紋簾水潏潏斷魂何處一蟬
新

南唐李主

紅日已高三丈透金鑪次第添香獸紅錦地衣隨步皺
佳人舞點金釵溜酒惡時拈花蕊嗅別殿遙聞簫鼓
奏

馮延巳

轉燭飄蓬一夢歸欲尋陳迹悵人非天教心願與身違

待月池臺空逝水
蔭花樓閣謾斜暉
登臨不惜更沾衣

春恨

李景

風壓輕雲貼水飛
乍晴池館燕爭泥
沈郎多病不勝衣
沙上未聞鴻鴈信
竹間時有鷓鴣啼
此情惟有落花知

晏同叔

閨苑瑤臺風露秋
整鬢凝思捧觥籌
欲歸臨別強遲留

月好謾成孤枕夢酒闌空得兩眉愁此時情緒悔風流

二

青杏園林煮酒香佳人初著薄羅裳柳絲無力燕飛忙
乍雨乍晴花自落閒愁閒悶日偏長為誰消瘦減容光

三

一曲新詞酒一盃去年天氣舊亭臺夕陽西下幾時迴

無可奈何花落去似曾相識燕歸來小園香徑獨徘徊

四

一向年光有限身等閒離別易銷魂酒筵歌席莫辭頻
滿目山河空念遠落花風雨更傷春不如憐取眼前
人

晏叔原

綠柳藏烏靜掩關鴨爐香細瑣窓閒那回分袂月初殘

難

惜別謾成良夜醉解愁時有翠牋還欲尋雙葉寄情

二

午醉西橋夕未醒
雨花淒斷不堪聽
歸時應減鬢邊青
衣化客塵今古道
柳含春意短長亭
鳳樓爭見路傍情

歐陽永叔

堤上遊人逐畫船
泊堤春水四垂天
綠楊樓外出鞦韆

欽定四庫全書

花草粹編

十六

白髮戴花君莫笑六么催拍盞頻傳人生何處似樽
前

二

湖上朱橋響畫輪溶溶春水浸春雲碧瑠璃滑淨無塵
當路遊絲縈醉客隔花啼鳥喚行人日斜歸去奈何

春

三

葉底青青杏子垂枝頭薄薄柳綿飛日高深院晚鶯啼

堪恨風流成薄倖，斷無消息道歸期。
托腮無語翠眉低。

四

十載相逢酒一卮，故人纔見便開眉。
老來遊舊更同誰？
浮世歌歡真易失，宦途離合信難期。
樽前莫惜醉如泥。

五

樓上燈深欲閉門，夢雲散處不留痕。
幾年芳草憶王孫。

白日闌干依舊綠。試將前事倚黃昏。記曾來處易銷魂。

集句

王介甫

百畝庭中半是苔。門前古道水縈迴。愛閒能有幾人來。
小院回廊人寂寂。山桃野杏兩三栽。為誰零落為誰開。

蘇子瞻

玉腕冰寒滴露華。粉融香雪透輕紗。晚來粧面勝荷花。

鬢髯欲迎眉際月酒紅初上臉邊霞一場春夢日西斜

橘

菊暗荷枯一夜霜輕苞綠葉占林光竹籬茅舍出青黃
香露噴人驚半破清泉流齒怯初嘗吳姬三百手猶

香

方響

花滿銀塘水漫流犀槌玉板奏涼州順風環珮過秦樓

遠漢碧雲輕漠漠今宵人在鵲橋頭一聲敲徹絳河
秋

秦少遊

漠漠輕寒上小樓曉陰無賴似窮秋澹烟流水畫屏幽
自在飛花輕似夢無邊絲雨細如愁寶簾閒挂小銀
鈎

二

香靨凝羞一笑開柳腰如醉暖相挨日長春困下樓臺

照水有情聊整鬢倚闌無緒更兜鞋眼邊牽恨懶歸來

三

脚上鞋兒四寸羅脣邊朱麝一櫻多見人無語但回波
料得有心憐宋玉只應無奈楚襄何今生有分共伊
麼

四

錦帳重重卷暮霞屏風曲曲鬬紅牙恨人何事苦離家

枕上夢魂飛不去覺來紅日又西斜
滿庭芳草襯殘花

黃魯直

飛鵲臺前暈翠蛾
千金新買帶青螺
最難如意為情多
幾處淚痕留醉袖
一春愁思近橫波
遠山低盡不成歌

張子野

樓倚春江百尺高
烟中還未見歸橈
幾時期信似江潮

花片片飛風弄蝶柳陰陰下水平橋日長才過又今宵

二

輕屢來時不破塵石榴花映石榴裙有情應解憶青春
夜短更難留遠夢日高何計學行雲樹深鶯過靜無人

謝無逸

樓閣簾垂乳燕飛圓荷細細點清漪薰風破夢晚涼時

玉軫琴邊蘭思遠霜紉扇裏翠眉低揉藍衫子鬧蜂兒

周美成

日射歌紅蠟蒂香風乾微汗粉襟涼碧紗對掩簾紋光
自剪柳枝明畫閣戲拋蓮葯種橫塘長亭無事好思
量

二

翠葆參差竹徑成新荷跳雨淚珠傾曲欄斜轉小池亭

晴
風約簾衣歸燕急水搖扇影戲魚驚柳梢殘日弄微

三

薄薄紗厨望似空簾紋如水浸芙蓉醒來嬌眼尚朦朧
強整羅衣擡皓腕更將紈扇掩酥胸羞郎何事面微

紅

四

寶扇輕圓淺畫繒象床平穩細穿藤飛蠅不到避壺冰

翠枕面涼頻憶睡玉簫手汗錯成聲日長無力要人
凭

五

雨過殘紅濕未飛珠簾一帶透斜暉遊蜂釀蜜竊香歸
金屋無人風竹亂夜篝盡日水沉微一春須有憶人
時

六

樓上晴天碧四垂樓前芳草接天涯勸君莫上最高梯

新笋已成堂下竹
落花都入燕巢泥
忍聽林表杜鵑啼

春景

水漲魚天拍柳橋
雲鳩拖雨過江皋
一番春信入東郊
閒碾鳳團消
短夢靜看燕子疊
新巢又移日影上花梢

石孝友

宿醉離愁慢髻鬟
韓綠殘紅豆憶前歡
叔錦江春水寄

書難

叔原

紅袖時籠金鴨煖

少游

小樓吹徹玉笙寒

李璟

為

誰和淚倚闌干

中行

趙德麟

風急花飛晝掩門一簷殘雨滴黃昏便無離恨也銷魂

翠被任薰終不暖玉盃慵舉幾番溫箇般情事與誰

論

劉平叔出家妓八人絕藝

脚絕
琴絕

歌絕
舞絕

穩小弓鞋三寸羅歌唇清韻一櫻多燈前秀艷揔橫波

指下鳴泉清杳渺掌中回旋小
娉娉明朝歸路奈情何

三

一朵夢雲驚曉鴉數枝春雨帶梨花
坐來殘月冷窓紗
釵鳳謾曾留得半枕山猶是枕時斜
對花今日奈天涯

四

槐柳春餘綠漲天酒旗高插夕陽邊
誰家牆裏笑鞦韆

往事不堪樓上看新愁多向曲中傳此情銷得是何年

五

水滿池塘花滿枝亂香深裏語黃鸝東風輕軟弄簾幃
日正長時春夢短燕交飛處柳烟低玉牕紅子鬬碁時

六

少日懷山老住山一官休務得身閒幾年食息白雲間

似我樂來真是少見人忙處不相關養真高靜出塵
寰

賀方回

秋水斜陽遠漾金平山隱隱隔橫林幾家村落幾聲砧
記得西樓凝醉眼昔年風物似如今只無人與共登
臨

二

煙柳春梢蘸暈黃井欄風綽小桃香覺時簾幕又斜陽

望處定無千里眼
斷來能有幾回腸
少年禁取恁淒涼

三

鸚鵡無言理翠衿
杏花零落畫陰陰
畫橋流水半篙深
芳徑與誰期
鬪草繡床終日罷
拈針小箋香管寫春心

四

鼓動城頭啼暝鴉
過雲時送雨些些
嫩涼如水逗窗紗

弄影西廂侵戶月分香東畔拂牆花此時相望抵天涯

五

雲母窓前歇繡針低鬟凝思坐調琴玉纖纖按十三金
歸卧文園猶帶酒柳花飛度畫堂陰只憑雙燕話春
心

六

蓮燭啼痕怨漏長吟蛩隨月到回廊一屏烟景畫瀟湘

連夜斷無行雨夢隔年猶有著人香此情須信是難忘

七

閒把琵琶舊譜尋四絃聲怨却沉吟燕飛人靜畫堂深
歌枕有時成雨夢隔簾無處說春心一從燈夜到如今

八

宮錦袍薰冰麝香越紗裙染鬱金黃薄羅依約見明粧

腸
繡陌不逢攜手伴
綠窓誰是畫眉郎
春風十里斷人

九

兩點春山一寸波
當筵嬌甚不成歌
動人情態可須多
金井露寒風下葉
畫樓雲斷月侵河
厭厭此夜奈愁何

十

樓角初銷一縷霞
澹黃楊柳帶栖鴉
玉人和月摘梅花

笑撚粉香歸洞戶更垂羅幙護窓紗東風寒似夜來些

和葆光春晚飲會

舒信道

金縷歌殘紅燭稀梁州舞罷小鬟垂酒醒還是獨歸時
畫棟日高來語燕綺窓風暖度游絲幾多綠葉上青枝

重陽前一日登極目亭

葉少蘊

小雨初迴昨夜涼
繞籬新菊已催黃
碧空無際卷蒼茫

千里斷鴻供遠目十年芳草掛愁腸
緩歌聊與送瑤觴

書虞元翁畫

蘇養直

水榭風微玉枕涼牙床角簾藕花香
野塘煙雨罩鴛鴦
紅蓼渡頭青嶂遠綠蘋波上白鷗雙
淋浪淡墨水雲鄉

呂居仁

暖日溫風破淺寒短青無數簇幽欄
三年春在病中看

中酒心情渾似夢採花時候不曾閒幾年芳信隔秦關

歲除集二老句

向伯恭

爆竹聲中一歲除東風送暖入屠蘇

荆公

瞳瞳曉色上林

廬老去怕看新歷日退歸擬學舊桃符

東坡

青春不染

白髭鬚

朱希真

白玉欄干白玉人倚花吹葉忍黃昏蕭郎一去又經春

眉淡翠峰愁易聚
臉殘紅雨淚難勻
纖腰減半綠羅裙

二

雨濕清明香火殘
碧溪橋外燕泥寒
日長獨自倚闌干
脫箴修篁初散綠
褪花新杏未成酸
江南春好與誰看

三

才子佳人相見難
舞收歌罷又更闌
密將春恨繫幽歡

結子同心香佩帶
怕兒雙字玉連環
酒醒燈暗忍重看

泛舟

毛澤民

銀字笙簫小小童
梁州吹過柳橋風
阿誰勸我玉盃空
小醉徑須眠錦瑟
夜歸不用簇紗籠
畫船簾捲月明中

趙元鎮

艷艷春嬌入眼波
勸人金盞緩聲歌
不禁粉淚搵香羅

暮雨朝雲相見少
落花流水別離多
寸腸爭奈此情何

陳克
子高

罨畫溪頭春水生
銅官山外夕陽明
煖風無力小舟橫
萬事悠悠生處熟
三杯兀兀醉時醒
杏花楊柳更多情

二

短燭熒熒照碧窓
重重簾幙護梨霜
幽歡不怕夜偏長

羅襪鈿釵紅粉醉曲屏深慢綠橙香征鴻雖遠斷人腸

三

牕紙幽幽不肯明寒更恐作斷腸聲背人殘燭却多情
合下心期唯有夢如今魂夢也無憑幾行閒淚莫縱橫

趙子發

疎蔭搖搖起岸移驚鷗點點過帆飛舫分水打嫩沙回

斷夢不知人去處
卷簾還有燕來時
日斜風緊轉灣

西

曹元龍

柳絮池臺淡淡風
碧波花嶼小橋通
雲連麗宇倚晴空
芳草綠楊人去住
短牆幽徑燕西東
攀條弄蕊得從容

吳大年

白玉樓中白雪歌
更將白紵襯春羅
軟紅香裏最么麼

桃葉桃根隨處有江南江北見來多風前月底奈愁何

二

壁月光中玉漏清小梅疎影水邊明似梅人醉月西傾
梅欲黃時朝暮雨月重圓處短長亭舊愁新恨若為情

趙德莊

花下憑肩月下迎避人私語臉霞生畫堂紅燭意盈盈

病酒一春愁與睡倚闌終日雨還晴強移心緒作清
明

餘干傳舍

吳儆

畫楯朱欄繞碧山平湖倚徙水雲寬人家楊柳帶汀灣
目力已隨飛鳥盡機心還逐白鷗閒瀟瀟微雨晚來
寒

上巳

軟翠冠兒簇海棠
羅衫子繡丁香
閒來水上踏青陽

風暖有人能作伴日長無事可思量
水流花落任匆忙

張安國

已是人間不繫舟此心元是不驚鷗
卧看駭浪與天浮
對月只應頻舉酒臨風何必更搔頭
暝煙多處是神

州

二

冉冉幽香解鈿囊蘭橈烟雨暗春江
十分清瘦為蕭郎

遙憶牙樯收楚纜應將玉筍點吳粧有人縈斷九回腸

坐中十八客

同是瀛洲丹府仙只今聊結社中蓮鳴笳按拍酒如川
喚起封姨清晚景更將荔子寫新圓從今三夜看嬋娟

相山詞

一種秋風兩處涼雨聲初歇漏聲長池塘零落藕花香

歸夢等閒歸燕去，斷腸分付斷雲行。
畫屏今夜更思量。

陸放翁

嬾向沙頭醉玉瓶，喚君同賞小窓明。
夕陽吹角最關情。
忙日苦多閒日少，新愁常續舊愁生。
客中無伴怕君行。

漁父

徐師川

西塞山前白鷺飛，桃花流水鱖魚肥。
一波纔動萬波隨。

黃帽豈如青箬笠羊裘何似綠蓑衣斜風細雨不須歸

二

新婦磯邊秋月明女兒浦口晚潮平沙頭鷺宿戲魚驚
青箬笠前明此事綠蓑衣底慶平生斜風細雨小舟

輕

張志和漁父詞云西塞山前白鷺飛桃花流水鱖魚肥
青箬笠綠蓑衣斜風細雨不須歸顧況漁父詞云
新婦磯邊月明女兒浦口潮平沙頭鷺宿魚驚東坡
云元真語極清麗恨其曲度不傳加數語以浣溪沙

歌之云西塞山前白鷺飛散花洲外片帆微桃花流水
鱖魚肥自花一身青箬笠相隨到處綠蓑衣斜風
細雨不須歸山谷見之擊節稱賞且云惜乎散花與
桃花字重疊又漁舟少有使帆者乃取張顧二詞合
為浣溪沙云新婦磯邊眉黛愁女兒浦口眼波秋驚
魚錯認月沉鉤青箬笠前無限事綠蓑衣底一時休
斜風細雨轉船頭東坡跋云魯直此詞清新婉麗問
其最得意處以山光水色替却玉肌花貌真得漁父
家風也然纔出新婦磯便入女兒浦此漁父無乃太
瀾浪乎東湖老人因坡谷互有異同之論故作此詞
云 二闋

朱雍

殘日憑欄目斷霞寒林人靜每歸鴉小梅春早壓羣花

一檻風聲清玉管數枝月影到窓紗隔簾時度暗香
些

春情

劉致君

繡館人人倦踏青粉垣深處簸錢聲賣花門外綠陰輕
簾幙風柔飛燕燕池塘花煖語鶯鶯有誰知道一春
情

蔡州瓜陂鋪壁間詞

能改齋謾錄

剪碎香羅裛淚痕鷓鴣聲斷不堪聞馬嘶人去近黃昏

整整斜斜楊柳陌疎疎密密杏花村一番風月更消魂

武進廳壁

楊彥齡

筆錄

倦客東歸得自由西風江上泛扁舟夜寒霜月素光流
想得故人千里外醉吟應上謝家樓不多天氣近中
秋

二

北固江頭浪拍空歸帆一夜趁秋風月明初上荻花叢

漸入三吳烟景好此身將過浙江東夢魂先在鑑湖
中

別恨

鄭中卿

酒薄愁濃醉不成夜深歌枕數殘更嫩寒時節過燒燈
已自孤鷺羞對鏡未能雙鳳怕聞笙莫教吹作別離
聲

延安李氏

無力薔薇帶雨低多情蝴蝶起花飛流水飄香乳燕啼

南浦魂消春不管東陽衣減鏡先知小樓今夜月依
依

李易安

小院閒窓春色深重簾未捲影沉沉倚樓無語理瑤琴
遠岫出山催薄暮細風吹雨弄輕陰梨花欲謝恐難

禁

二

淡蕩春光寒食天玉鑪沉水裊殘烟夢迴山枕隱花鈿

海鷺未來人鬪草江梅已過柳生綿
黃昏疎雨濕鞦韆

閨情

髻子傷春慵更梳晚風庭院落梅初
淡雲來往月疎疎
玉鴨薰爐閒瑞腦朱櫻斗帳掩流蘊
遺犀還解辟寒無

朱淑真

露井天桃吐絳英春衣初試薄羅輕
風和烟煖燕巢成

滿院深簾閒不捲曲房朱戶悶長扁惱人光景又清明

春怨

卸下金釵一樣嬌背燈初解繡裙腰衾寒枕冷夜香消
深院不關春寂寂落花和雨夜迢迢恨情和夢更無聊

慕容崑卿妻

滿目江山憶舊遊汀花汀草弄春柔長亭艤住木蘭舟

好夢易隨流水去芳心猶逐曉雲愁行人莫上望京樓

竹坡詩話云頃年平江府雍熙寺每深夜月明有婦人歌小詞於廊廡間者就之不見客有聞而錄之者姑蘇士子慕容嵩御見而驚曰君何從得此詞客語之故嵩御悲歎久之曰此余亡妻之詞無知之者明日視之乃具妻旅襯所在

珍娘 鬼也

溪霧溪烟溪景新溶溶春水淨無塵碧琉璃底浸春雲
風颭游絲垂蝶翅雨飄飛絮濕鶯唇桃花片片送殘

春

紗窓恨

毛文錫

雙雙蝶翅塗鉛粉，
啣花心，綺窓繡戶飛來，
穩畫堂陰。
二三月，
愛隨飄絮，伴落花來，
拂衣襟，更剪輕羅片，
傳黃金。

二

新春燕子還來至，
一雙飛，
壘巢泥濕時，
時墜泥人衣。
後園裏，
看百花發，
香風拂繡戶，
金扉月照紗窓裏，
恨依依。

戀情深

毛文錫

滴滴銅壺寒漏咽
醉紅樓月宴餘香
殿會鴛衾蕩春心
真珠簾下曉光侵
鶯語隔瓊林
寶帳欲開慵起
戀情深

宮詞

玉殿春濃花爛漫
簇神仙伴
羅裙窄地縷黃金
奏清音
酒闌歌罷雨沉沉
一笑動君心
永願作鴛鴦伴
戀情深

清商怨

晏叔原

庭花香信尚淺。最玉樓先暖。夢覺春衾江南依舊遠。
回紋錦字暗剪。謾寄與也。應歸晚。要問相思天涯猶自
短。

周美成

枝頭風勢漸小。看暮鴉飛了。又是黃昏閉門收。返照
江南人去路。縹緲信未通。愁已先到。怕見孤燈霜寒催睡
早。

歐陽永叔

關河愁思望處滿
漸素秋向晚鴈過南雲
行人回淚眼
雙鸞衾裯悔展夜
又永枕孤人遠
夢未成歸梅花聞
塞管

江淹詩心逐南雲去身隨北雁來陸機思親賦指南雲以寄欽陸雲九愁春南雲以興悲

沈文伯

天機
餘錦

城上鴉啼斗轉
漸漸玉壺冰滿
月淡寒梅清香
來小院
誰遣鸞牋寫怨
翻錦字疊疊和
愁卷夢破悲笳
江南

烟樹遠

贊浦子

毛文錫

錦帳添香睡金爐換夕薰
懶結芙蓉帶慵拖翡翠裙
正是桃夭柳媚那堪暮雨
朝雲宋玉高唐意裁瓊欲
贈君

傷春怨

荆公

能改齋
漫錄

雨打江南樹一夜花開無數
綠葉漸成陰下有遊人歸
路與君相逢處不道春將暮
把酒祝東風且莫匆匆

去

平湖樂

綠荷相背倚西風涼露烟霏重翠蓋銀瓶醉時捧使君
公徑須傾倒玻璃甌青山城郭暮雲樓閣高下一重
重

二

安仁雙鬢已驚秋更甚眉頭皺一笑相逢且開口玉為
舟新詞淡似鵝黃酒醉歸扶路竹西歌吹人道似揚

州

三

採菱人語隔秋煙波靜如橫練入手風光莫流轉共留
連畫船一笑春風面江山信美終非吾土問何日是
歸年

四

秋風湖上水增波木底雲陰過憔悴湘纍莫輕和且高
歌凌波幽夢誰驚破佳人望斷碧雲暮合道別後意

如何

小桃紅

張小山

一汀煙柳索春饒
添得楊花開盼殺
歸舟木蘭棹
水迢迢
畫樓明月空相照
今番瘦了多情知道
寬褪翠裙腰

歸國遙

溫飛卿

雙臉小鳳戰篴金
颭艷舞衣無力風
歛藕絲秋色染
錦帳繡幃斜掩
露珠清曉簾
粉心黃蘂花
靨黛眉山兩

點

韋莊

春欲暮滿地落花紅帶雨惆悵玉籠鸚鵡單棲無伴侶
南望去程何許問花花不語早晚得同歸去恨無雙
翠羽

二

金翡翠為我南飛傳我意
卷畫橋邊春水幾年花下醉
別後只知相愧淚珠難遠寄
羅幕繡幃鴛鴦被舊歡如

夢裏

馮延巳

花間
作溫

雕香玉翠鳳竄釵垂累
歛鈿筐交勝金粟越羅香水
渌畫堂照簾殘燭夢餘更漏
促謝娘無限心曲曉屏山
斷續

三字令

歐陽炯

春欲暮日遲遲牡丹時羅幌
卷翠簾垂兩心知人不
在燕空歸負佳期香燼落枕
函歌月分明花澹薄惹相

思

向伯恭

春盡日雨餘時紅蕖綠漪漪花滿地水平池烟光裏
雲衫上畫船移文鴛並白鷗飛歌韻響酒行遲將我
意入新詩春欲去留且住莫教歸

花草粹編卷三